

**P360/3**  
**LUGANDA**  
**PAPER 3**  
**3 hours**

**WAKISSHA**

**Uganda Advanced Certificate of Education**

**LUGANDA**

**LITULICA MU LUGANDA**

**Olupapula olwokusatu**

**Essaawa ssatu (3)**

**EBIGOBERERWA:**

- *Olupapula luno lugabanyiziddwamu ebitundu bisatu A, B, ne C*
- *Mu kitundu A kolamu ekibuuzo kimu (1)*
- *Mu kitundu B kolamu ebibuuzo bibiri (2) ekimu kya Puloozi n'ekirala kimu okuva mu bitontome.*
- *Mu kitundu C kolamu ekibuuzo kimu (1).*
- *Ddamu ebibuuzo bina (4) byonna awamu.*

## EKITUNDU A

### ENGERO ENJIIYE

Ddamu ekibuuzo kimu kyokka ng'okiggya mu nnamba 1, 2, 3 oba 4.

#### SSEMWANGA KIVUMBI BANTUBALAMU: Gwolulambuza

1. Ssemwanga munnabyabuwangwa kayingo. Weesigame ku lugero  
Gwolulambuza okkaatirize endowooza eno. (obubonero 25)
2. Ndyanabassi Wilson ow'enjongo? ... wampa Ssabasajja... "Genda onnamulireko obuganda".
  - (i) Baani aboogerezeganya mu mboozi eyo? (obubonero 2)
  - (ii) Ebigambo ebyo bisimbuddwa mu ssuula ki? (akabonero 1)
  - (iii) Mu bimpimpi, nnyonnyola ebyali byakabaawo ebigambo okwogerwa. (obubonero 5)
  - (iv) Biki ebyaddirira amangu ddala? (obubonero 5)
  - (v) Bubaka ki bw'ofuna omuwandiisi bw'ayagala okutuusa ku basomi be okuva mu ssuula eno? (obubonero 12)

#### NKASA MUSA MUTYABA: Agamyuka omutezi

3. Omuwandiisi w'olugero afubye okutuukiriza amakulu g'omutwe gw'akatabo. Nga weeyambisa ebyokulabirako nnyonnyola obutuufu bwa kino. (obubonero 25)
4. "Entuuyo z'otatonyeza ng'oli muvubuka ziritonnya nga maziga ng'okuze".
  - (i) Ebigambo ebyo ani abyogera era biggyiddwa wa mu lugero? (obubonero 3)
  - (ii) Mu ssuula omusimbuddwa ebigambo ebyo omwogezi ayagadde kutulaga ebyo ebiri ku kyalo wamu nenneeyisa y'abantu abatali bamu. Kakasa kino n'ebiyokulabirako. (obubonero 10)
  - (iii) Omuwandiisi yagenderera ki okututeera essuula eyo mu lugero? (obubonero 12)

## EKITUNDU B

Ddamu ekibuuzo kya Ppuloozi n'ekirala kimu okuva mu bitontome.

### PPULOOZI

5. Soma ekitundu kino oluvannyuma oddemu ebibuuzo.

Enswagirowo, okuvuvuma n'okuboggola kw'embwa yange Buyisibwomu bye byansisimula mu tulo otungi twe nalima. Newankubadde nga bulijjo neebakanga mavumira olw'ababbi abaatutigomyanga mu biseera ebyo,, ku luno nali neebakidde ddala kabooleredde ng'omunafu omulekere obuliri era tebiba kuba bino ebyagwawo nandyebase n'embugo ne nzikukuza!

Wakati mu kufumintiriza ekiguddewo nga n'omubiri gumeze olutiko, enswagiyo zaagenda zeeyongera bweyongezi okusemberera ddala ku nju yange. Bwe nalingiza ebweru mu ddirisa, ng'omusirikale ali awo akirako esanafu. Omwezi gwali gwa ggaboggabo nga gwaka kasamuli era nga nsobola n'okulaba ebyambalo ebyamadowadowa abaserikale bye baali bambadde. Yo embwa yange buyisibwomu yali etandise okubazinya oluguje. Newankubadde ng'abaserikale batera nnyo okwagala embwa, naye eno eyali ebafuukidde ekyambika baali tebakyayinza kugigumikiriza.

Akavuvunjano akaali wabweru n'embwa kaddirirwa okubwatuka kw'esasi Buyisibwomu baali bamulumizza ekivu. Kitawe yanjalamu ebiri ne lukkiriza e zirakumwa gye zittira ng'omuddo.

Okuttibwa kw'embwa yange kwantengula omutima ne nkakasiza ddala nti luno si lwali lwa mannyowenu, guno gwe nali nzizizza gwali gwa Namunkululu ogwa Nnaggomola gudda ku bbali. Naye ddala gwali musango ki? Saali mubbi, saali munnabyabufuzi, wadde okukirowoozako nti nsobola okulya mu nsi yange olukwe. Naye kati nzuuno nali njolekedde okutwalibwa mu Mpiimeerebera, abangi gye baagendanga, abatono ennyo ne basobola okuvaayo nga balamu.

Emmeeme yange yatolontoka n'eddayo olwebyo mmange Aziiza Tezigattwa bye yanjambanga ng'ansendasenda nve ku kirowoozo kyokusoma ebyamawulire olw'obuzibu n'akasimba mutwe ebiri mu mulimu guno. Nnyabo awo eyeerekerezanga buli kamu olw'okusoma kwange, yanyolwa nnyo bwe nasalawo okusoma ebyamawulire so nga ye yali anjagaliza busomesa. Newankubadde nga okumulaga ebirungi enfaafa ebiri mu mulimu guno, kyokka ye omukadde omukazi yakubira ddala enkanda wansi nga bwagamba nti, "Mwana wange, akanatta tekabula muga!"

*(Byesigamiziddwa ku Agamyuka omutezi aka Nkata nga waliwo ebyongeddwamu)*

#### **Ebibuuzo:**

- (a) Ekitundu ky'osomye kirondere omutwe owe n'ensonga lwaki ogwo gwe mutwe gw'olonze. (obubonero 2)
- (b) Laga ebintu eby'enjawulo ebifuula omunyumya w'embooji eyo okubeera omunyumya ow'omulembe. (obubonero 6)
- (c) Lambulula ensengeka y'ebirowoozo mu kitundu ekyo. (obubonero 5)
- (d) Bw'osoma ekitundu ekyo kikuteeka mu mbeera ki era lwaki? (obubonero 5)
- (e) Maama w'omunyumya azimbiddwa atya? (obubonero 3)
- (f) Menya ebifaananyi ebyeyambisiddwa mu kitundu ky'osomye. (obubonero 2)
- (g) Nyonyola amakulu g'ebigambo bino okusinziira ku kitundu kyosomye. (obubonero 2)
  - (i) okubazinya oluguje
  - (ii) n'akasimba mutwe



## EBITONTOME

Ddamu ekibuuzo kimu kyokka ng'okiggya mu nnamba 6, 7, 8 oba 9

KIZZA MUKASA: *Omulyammere Kkoyi*

6. Soma ekitontome kino n'oluvannyuma oddemu ebibuuzo ku nkomerero yaakyo.

Omwana wa nnyabo omubbeere ggwe,  
Ggwe toli wa ssebo oyo lwa bubbeere,  
Gwe omubbeere, njamba omubbeere,  
Laba laba laba bino, gwe omubbeere.

Twakula bumu ffe abaana ba nnyabo,  
Nga tewali atondowala tuli bukuyege,  
Bwe nayitamuuko nze wanneeyunira,  
Nakujunanga mu bingi bye siiyogere,  
Nga tuli bumu ffena baana ba nnyabo.

Kye nnalaba luno jjuuzi saakisuubira,  
Kyali kya nsonyi nnyingi sikutendera,  
Wayagala okusiimibwa n'otukijjanya,  
Wayagala kuganzibwa n'otusombera,  
Ng'olya mu lusuku lulime luno luzise!

Weetemaatema bingi ku booluganda,  
Nti ogamba gundi nno taabe mukopi?  
Ankola biibino baaba ne nneewunika,  
Olulala yansoya bino ne nneemagaza,  
Saamanyi nti ffenna tutyo oli na mpiri!

Naye mubbeere nze bino ka mbyase,  
Nnakupiika ensimbi, lwa bbeere eryo,  
Wafuukamu omuntu, lwa bbeere eryo,  
Wakolanga ogwejo, lwa bbeere eryo,  
Nakubiita nnyo nze, kuyonka ku limu,  
Bye nakukoleranga wansasula bulwa?  
Ggwe omubbeere!

Kyankola bubi ebbeere okutugendako,  
Nandigenze ewa nnyabo n'obituulamu,  
N'akugolola ettumba ly'Abalyammere,  
Naye yatugendako nyabo nze nsula bubi,  
Kanfube nkole ebingi nga wezza ebimul

### Ebibuuzo

- (i) Lwaki omuwandiisi ekigambo Omubbeere akiddinnyanye enfunda eziwera mu kitontome kino? (obubonero 5)
- (ii) Nnyonyola ku bukodyo bw'empumba y'amaloboozi omuwandiisi bwe yeeyambisizza mu kitontome kino. (obubonero 5)
- (iii) Nnyonyola ku neeyisa y'omuntu atontomebwako mu kitontome kino. (obubonero 5)

- (iv) Obutontontomi bw'omuwindiisi bweyolekedde butya mu kitontome kino? (obubonero 5)
- (v) Nnyonyola amakulu g'ebigambo bino nga bwebikozeseddwa mu kitontome. (obubonero 5)
- Omubbeere
  - Tuli bukuyege
  - Ka mbyase
  - ebbeere
  - n'obituulamu
7. (a) Omulya mmere kkoyi kitegeeza ki? (obubonero 3)
- (b) Omuwindiisi anogaanyizza atya amakulu g'omutwe mu bitontome bye? (obubonero 22)

**HUGO SSEMATIMBA: Abooluganga ab'eenda emu**

8. Soma ekitontome kino n'oluvannyuma oddemu ebibuuzo ku nkomerero yaakyo.

**NNANTAGGWA MALAMBULA**

Bwe ndowoza abalungi abansanyusa  
 Bonna kyenkanyi mbasiima nnyo  
 Kyokka ali omu yekka gwe ndobola  
 Ye wuuyo Nantaggwa Malambula asinga  
 Ye wuuyo ow'omukwano gwe nnyimba

Nnyabo mutambuza ddembe era omuteefu  
 Kankwogereko ggwe eyanza n'akatagga  
 Owuniikiriza ng'obutiko obubaala  
 Obututunuka nga bunekedde  
 Obujja tolabye naye amatendo.

Kyokka Namugereka yakukola ggwe  
 Walungiwa g'ekitooke kya ssiira  
 Ekyegazaanya mu tembo enjaliire  
 Wakula akabiri akayoooyote ng'oluwombo  
 Oluwombo lw'embuga omuli ebirungi

Wayiga ennamusa emalamu obukoowu  
 Buli lwe nkomawo n'ondaga omukwano  
 Ne nneesunako olw'omukisa omuzaale  
 Ne ntendereza Lugaba eyateesa  
 Tubeere wamu nga naye atubeera.

Laba essanyu bwe lindaaza ng'atamidde  
 Kitawe nzenna ne mbugaabugana olw'omukwano  
 Ng'anti oluyiira lummalawo olw'okuba ggwe  
 Muliro gwange gwe njotako ggwe tabaaza  
 Enjuba ne bw'eteyaka mba mmatidde.

Lwa mulungi baalugera teruggwa matenda  
 Ebingi sibyogedde kankome awo  
 Naye buli lukya ne musaba Lugaba oyo  
 Agira atukuumirawo mu mukwano  
 Kuba nnyabo ndidaagira wa ng'ondese awo!

**Ebibuuzo:**

- (i) Nnyonyola ku nsengeka y'ekitontome kino. (obubonero 7)
  - (ii) Bintu ki omuwandiisi bye yeeyambisizza okuzimba ekitontome kino? (obubonero 7)
  - (iii) Bw'osoma ekitontome kino kikussa mu mbeera ki era lwaki? (obubonero 4)
  - (iv) Nokolayo olunyiriri lumu olulaga nti omutontomi teyeemaliridde ku oyo gw'ayogerako yekka. (obubonero 3)
  - (v) Nnyonyola ebintu eby'enjawulo ebigendereddwa mu lunyiriri luno "Tubeere wamu nga naye atubeera" (obubonero 4)
9. Ekitontome Abooluganda Ab'enda emu kitagguludde kitya obulamu bwaffe n'eneeyisa eya bulijjo? (obubonero 25)

**EKITUNDU C: EMIZANNYO**

**MERCY MIREMBE:** Ssemitego omuyizzi kkungwa

- 10. Mercy Mirembe afubye atya okutuggirayo ekifaananyi ky'omukazi wa leero mu muzannyo guno? (obubonero 25)
- 11. "Ky'otonnalya tokyesunga" olugero luno lutuukira lutya ku Ssemitego? (obubonero 25)

**WAALABYEKI MAGOBA:** Namulanda

- 12. "Akabi tekabula musombi Kjabaga yasomba abaganda " olugero luno lutuukira lutya ku byeeyolekera mu muzannyo Nnamulanda? (obubonero 25)
- 13. Singa buli muzannyi atuukiriza obuvunaanyizibwa bwe omuzannyo guno tegwandiwedde nga bwe guggwa. Nnyonyola obutuufu bw'ensonga eno. (obubonero 25)

**BIKOMYE WANO.**